

H. RABIA

Kejuruteraan
PENGGERUDIAN
TELAGA MINYAK

Prinsip dan Praktik

Penterjemah

Abu Azam Md. Yassin • Abdul Razak Ismail
Ariff Othman • Ayob Hashim
Azmi Khamis • Mohd. Fauzi Hamid
Muhammad Abdul Manan
Shahrin Shahruddin
Zulkafli Hassan

Penerbit

Universiti Teknologi Malaysia
Sekudai
Johor Darul Ta'zim
1998

© 1985, Hussain Rabia

This translation of **Oilwell Drilling Engineering: Principles and Practice** is published by arrangement with Graham & Trotman Ltd, Sterling House, 66 Wilton Road, London SW1V 1DE

© 1998 edisi bahasa Malaysia dipegang oleh
Universiti Teknologi Malaysia.

Hak cipta terpelihara. Tiada dibenarkan mengeluar ulang mana-mana bahagian artikel, ilustrasi, dan isi kandungan buku ini dalam apa juga bentuk dan cara apa jua sama ada dengan cara elektronik, fotokopi, mekanik, atau cara lain sebelum mendapat izin bertulis daripada Timbalan Naib Canselor (Pembangunan), Universiti Teknologi Malaysia, Kampus Skudai, 80990 Johor Darul Ta'zim, Malaysia. Perundingan tertakluk kepada perkiraan royalti atau honorarium.

Perpustakaan Negara Malaysia Data Pengkatalogan-dalam-Penerbitan

Rabia, H. (Hussain)

Kejuruteraan penggerudian telaga minyak : prinsip dan praktis / H. Rabia ; penterjemah Abd. Razak Ismail, Ariff Othman, Abu Azam Md. Yassin, Ayob Hashim, Azmi Khamis, Mohd Fauzi Hj. Hamid, Muhammad Abdul Manan, Shahrin Shahruddin, Zulkafli Hassan
Mengandungi rujukan bibliografi
ISBN 983-52-0117-X

1. Oilwell drilling. I. Abdul Razak Ismail. II. Ariff Othman. III. Judul.
622.3382

*Editor: ARIFFIN SAMSURI
Pereka Kulit: ZALAWATI SUFIAN*

Diatur huruf oleh / *Typeset by*
PANTAS SET. SDN. BHD.,
26A, Jalan Pandan 2/1
Pandan Jaya Cheras,
55100 Kuala Lumpur, MALAYSIA.

Diterbitkan di Malaysia oleh / *Published in Malaysia by*
PENERBIT
UNIVERSITI TEKNOLOGI MALAYSIA
80990 Skudai, Johor Bahru,
JOHOR DARUL TA'ZIM, MALAYSIA.

Dicetak di Malaysia oleh / *Printed in Malaysia by*
MUAFAKAT JAYA PERCITAKAN SDN. BHD.,
No. 6 Jalan Perdagangan 16,
Taman Universiti Industrial Park
81300 Skudai,
Johor Darul Ta'zim, MALAYSIA.

RM35.00

Bab 1

Telaga Minyak: Penerangan Ringkas

Dalam bab ini, rig penggerudian dan peralatan sekutunya akan diperkenalkan secara ringkas. Serta langkah-langkah yang diperlukan untuk menggerudi sesbuah telaga minyak. Dengan ini diharapkan akan membawa kepada perbincangan yang lebih terperinci dalam 12 bab berikutnya. Oleh itu, para jurutera yang berpengalaman boleh melangkaui bab ini. Ulangan ringkas mengenai unit-unit yang digunakan dalam buku ini akan juga diperbincangkan.

Topik-topik yang akan dibincangkan termasuk:

- Komponen rig
- Telaga minyak
- Penggerudian
- Membuat sambungan
- Operasi penyandungan
- Selongsong dan penyimenan
- Pengelogan, pengujian dan pelengkapan
- Sistem unit


KOMPONEN-KOMPONEN RIG

Merujuk kepada Rajah 1.1, komponen rig yang paling utama termasuk: Enjin rig atau penggerak utama; derik dan substruktur; peralatan pesawat angkat; peralatan berputar; pam lumpur dan pencegah sembur-keiuar (BOP).


Enjin rig atau penggerak utama (butir N, Rajah 1.1)

Kebanyakan rig minyak moden menggunakan enjin pembakaran dalam sebagai loji kuasa utama. Minyak diesel merupakan bahan api utama yang digunakan, disebabkan ia mudah diperoleh walaupun sesetengah rig masih menggunakan gas asli. Bilangan dan saiz enjin yang diperlukan bergantung pada saiz dan kadar'an rig. Rig yang sesuai digunakan untuk penggerudian cetek (< 5000 kaki) menggunakan 2 enjin untuk menjana kuasa sebesar 500–1000 kuasa kuda ($373\text{--}746\text{ kW}$)². Penggerudian dalam (kedalaman melebihi 10 000 kaki) boleh dicapai dengan rig kerja berat yang menggunakan 3 hingga 4 enjin yang mampu menjana kuasa sehingga 3000 kuasa kuda (2237 kW).

Penghantaran kuasa yang dijana ke pelbagai bahagian rig dilaksanakan sama ada secara mekanikal atau elektrik. Untuk penghantaran mekanikal (Rajah 1.1), kuasa yang dijana oleh setiap enjin dikumpulkan dalam susunan tunggal yang dipanggil sebagai majmuk atau kawasan (lihat Rajah 1.2). Majmuk menghantar kuasa enjin ke alat kerja-tarik dan meja putar melalui rantai guling dan gegancu. Untuk penghantaran mekanikal, pam rig dibekalkan kuasa dengan menggunakan tali sawat besar.



Rajah 1.1. (a) Pandangan berajah rig penggerudian berputar: 1, derik; 2, pelantar; 3, substruktur; 4, tali gerudi; A, blok puncak lima kerek; B, blok kembawa empat kerek; C, cangkuk; D, swivel; E, kelly; F, paip tegak dan hos kelly; G, lantai derik; H, meja putar; J, pemacu meja putar daripada penghantar utama; K, penggoncang syal; L, tali pulang bendalir penggerudian; M, alat kerja-tarik; N, enjin utama; O, penghantaran utama (enjin ke alat kerja-tarik dan pam); P, tangki sedut; Q, pam. (b) keratan berajah menunjukkan peralatan di bawah lantai derik, lubang jara dan rentetan gerudi: E, kelly; H, mejar putar; J, pemacu mejar putar; K, penggoncang syal; L, tali pulang bendalir penggerudian (garis aliran); R, keratan potongan lantai penggerudian; S, T, pencegah semburan keluaran yang beroperasi secara hidraulik; U, alur keluar dilengkapi injap dan pencekik untuk bendalir penggerudian apabila pencegah semburan keluar bahagian atas ditutup; V, selongsong permukaan; W, ikatan simen antara selongsong dan dinding lubang jara; X, paip gerudi; Y, paip dinding-tebal, berat (relang gerudi di bahagian bawah rentetan gerudi); Z, bit gerudi. Anak panah tebal menunjukkan ariran bendalir penggerudian. (Ihsan IMCO Services Division)



Rajah 1.2. Penghantaran pacuan rantai dan berbilang enjin untuk sebuah rig mekanikal². (Dipetik dengan kebenaran University of Texas, Petroleum Extension Service (PETEC) daripada *A Primer of Oilwell Drilling*)

Bagi penghantaran elektrik, enjin diesel dipasang pada jarak yang agak jauh dari rig dan digunakan untuk memacu penjana elektrik yang besar. Penjana ini menghasilkan elektrik yang kemudiannya dihantar menerusi kabel ke motor elektrik yang disambung terus kepada penggerak utama, meja putar dan pam lumpur.

Faedah utama sistem elektrik-diesel ialah ia tidak memerlukan sistem majmuk sehingga tiada keperluan penjajaran enjin majmuk dan penggerak utama. Selain daripada itu pada sistem elektrik-diesel, bunyi enjin tidak mengganggu pekerja penggerudian.

Derik dan substruktur (butir 1, 2, 3, Rajah 1.1)

Derik adalah satu struktur 4-segi yang mempunyai ketinggian dan kekuatan yang mencukupi untuk memboleh pengangkatan (menurunkan dan menaikan) peralatan keluar dan masuk telaga. Ia juga menyediakan tempat bekerja (pelantar, butir 2) untuk pekerja derik semasa operasi penyandungan.

Struktur menyediakan sokongan untuk derik, alat kerja-tarik dan rentetan gerudi.

Kelengkapan angkat-sawat

Kelengkapan angkat-sawat termasuk: (a) alat kerja-tarik; (b) takal angkat sawat; dan (c) talian gerudi. (Lihat Bab 2 dan 3 untuk perincian.)

ALAT KERJA-TARIK

Alat kerja-tarik ialah mekanisme pengangkatan di atas rig penggerudian yang membolehkan beban-beban berat diangkat atau diturunkan dengan menggunakan tali dawai yang bergulung kepada sebuah gelendong. Alat kerja-tarik juga membolehkan penggerudi, melalui gelendong kekucing, membuat atau membuka sambungan paip gerudi, relang gerudi dan sambungan lain.

Takal angkat-sawat (butir A dan B, Rajah 1.1)

Terdapat 2 blok, dipanggil blok puncak dan blok kembara. Blok puncak berada dalam keadaan statik dan diam di puncak derik; blok kembara bergerak ke atas dan ke bawah derik semasa membuat/membuka sambungan paip gerudi. Setiap blok mempunyai beberapa kapi. Talian gerudi digulung beberapa kali pada setiap blok, dengan hujung yang keluar daripada blok puncak dikapit pada sauh talian mati di bawah substruktur derik. Hujung yang satu lagi digulung pada gelendong alat kerja-tarik.